

3 Son Pas ngimi Son ai sürü papimarandi

¹ Ro anihondümbö-rihindeimbi hifandiri-handeimb-anahi, wandi wandafi Gaius, shambo pas nda sürü paparihandi. Shambo anihondümbö ngusüfo pararihani.

² O wandafi, shambohöndambo Godimbo didibafayahi. Shafi ngusüfo didiboado-rihoeimb-ani, nga shafi ranani moatükuni ra yahurai didiboado-ndihoayowa se aboedi mbimarifa sahehea ranahambo Godimbo hoafiyahühi didibafayahi.

³ Wandafi mam, horombo bidifiri ai wambo sowahi tüküyafu hoafiyomondühi yahomoya, 'Hapoana Gaius ai anihondü hohoanimo süngure arandi horombo rasüngumareandi nou,' mehomo-ndamboyah ranahambo afindi hihifi-hihifi-mayahi.

⁴ Wandi nimori ai anihondü hohoanimo süngurihi arihündi rani hoafi ra himborayahi ana, ro afindi safi hihifi-hihifiya arihandi.

Gaius ai aboedi didiboadorihoei ratüpuriyu arandi

⁵ O wandafi, se wandafi mamimbo didiboadoro farihawandüri arandi. Nga asu se wandafi mam ndifoambo amboa farihawapuri arandi.

⁶ Nindou rotumbo tüküyahi-rihündeimbi-yafe himboahü hoafiyomondühi yahomoya, 'Gaius ai

yihoeŋimbo ngusüfo pareamunühi mafarihemuni, mehomo. Se ahamumbo nafihinginambo warihinginrowapuri arandi God ai refi arandi nou. Se rawarowandi ana, aboed-ane.

⁷ Ai Sisasimbohünda hoangomo arundi, nga nindou ai anihondümbofe-koateyeimbi ahei-mayo ninimoatükuni moai sowandümo.

⁸ Nindou yahurai sihiri fehéfepurimboane asu rananimbo sihiri ai-babidi Godindi anihondü hoafi fandihhuri-mboyefi.

Diotrefes ai hohoanimo moaruwai süngumareandi

⁹ Horombo ro Kraisindi nendi ranaheimbo pas sürü parhe koamarheheandi. Nga Diotrefes ai ahei bogorimbondahe nimboambo yahuhaya yihoeŋi hoafi moai himboriyu.

¹⁰ Ranimboane asu ro didi tükündaheandühi ahandi ratüpur ranahambo hoafinda-handomboyahi. Ai yihoeŋimbo-hündambo moaruwai hoafi wataporiyu wakire arandi. Rani ratüpur yangiri-yopoani, nga ai sapo wandafi mamimbo himbokaboako-marapuri. Nga nindou ai nindou ranahambo worinifimbo hohoanimondeiani, Diotrefes ai aheimbo yowan yahu arandi, nga ngiri ro-babidi rotundimo yahupuri arandi.

Demitrius ai hohoanimo aboedi süngure arandi

¹¹ O wandafi, se ngiri hohoanimo moaruwai süngundowandi. Nga hohoanimo aboedi süngundowandi. Nindou ai aboedi hohoanimo süngundeandani ana, ai Godindi nimor-ani. Nga

nindou ai hohoanimo moaruwai
 süngundeandanı ana, ai Godımbı
 hoefekoate-ani.

¹² Munğu ai Demitriusımbı aboed-ani asei.

Nga ra anıhond-ane munğu ai fıfırıhındı.
 Ro-amboa ahambo anıhondümbı hoafıyahühi
 aboed-ani asahi, nga wandı hoafı anıhond-ane
 ra se fıfırowandı.

Bıdıfırana hoafı

¹³ Sıhambo ro afındı hoafı hoafımbı
 samboanahi, nga pepafıhi sürü pefembo
 moeisahi.

¹⁴ Awi hıbadandıri, nga se-dıbo
 wataporımbıhünda sıhambo sowana sınımbı
 samboanahi.

¹⁵ Se ngüsüfoambe afundo künde hawa
 nımbafı. Wandafı mamı ai sıhambo
 hıhıfarıhünını. Yıhoefı wandafı mamımbı
 mamandındandürühi hıhıfındandıri.

Godindï Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 11 Mar 2026 from source files dated 12 Dec 2025
c500d379-d0cf-5c22-9613-91d7bcc63af3